


NOBILISSIMIS ET AMPLISSIMIS
DOMINIS
DOMINIS CONSVLIBVS
CÆTERISQVE
REIPVBL. ANTVERPIENSIS
SENATORIBVS.

 Citis ingenita prudentiâ
à Natura dotati, ac Sa-
pientum præterea monu-
mentis, *Viri Instructissimi,*
diuini illud Platonis dictum: *Medicis* In Phæ-
dro
cum eget Ciuitas, iudicari inibi esse malam,
tum anima, tum corporis disciplinam & œco-
nomiam; atque adeo, felicitis memoriæ,
Parentes, ac Prædecessores vestri, ab
immemorabili tempore multa præ-
clara, ad Ciuium suorum incolumita-
tem statuere quidem decreuerant;
lubens fatetur, imo laudare cogitur
a 3 tam

EPISTOLA

tam bonos conatus non ingrata posteritas: verum, vos *Amplissimi Senatores*, velleitatem illorum modo perficientes, quidquid ad incolarum conseruationem deërat, omni morâ seposita, reali adimpletis effectu. Cum Iatrorum Collegio, publica salus minabatur ruinam, vos met ipsi succollatis, & dum ad hoc perniciosissimos rei Medicæ errores, tanquam ad Tribunal reuocatis, illud tum prudentiâ erigendo, huic cum pietate consulendo, quibus prospicitis omnes in affectû & amorem rapitis, non inuitè obsequentes. Exoptauerit hæc bona Reipubl. Parens, ac prædecessor, beneuolentiæ confidimus; at vestrum votum est efficax, sentimus emolumentum: tantum ergo amplius vobis debemus, quanto vtilius nobis est præterito affectu, præsens effectus; velle quidem

DEDICATORIA.

quidem illis adiacuit , vos inuenistis
& perficere: Itaque

..... *Patrem iam natus adequat*

Hunc meritis, & quod magis est optabile vincit.

Latebant Regum, ac Principum lau-
datissima decreta, obliuionis tenebris
inuoluta ; iam luce donantur à splen-
dore vestro mutuata. Sufficiebant vix
recenti malitiæ obantiquatæ leges ;
vos renouellando interposita Aucto-
ritate ampliatis

..... *Priscamque resumunt*

Canitiem leges, emendanturque vetusta, Clan-

Acceduntque noua. dian.

Eludebantur Senatus Consulta vafer-
rima malignorum astutiâ ; Vos om-
nia penetrante perspicaciâ dolum de-
tegitis. Spernebantur saluberrima
Magistratus edicta ; vos sic Iustitiam
Clementiâ mitigatis, vt metus coër-
ceat, quos beneficia non mutauissent:
ita

EPISTOLA

ita quidem, vt nec ad eradicatiuam errorum omnium extirpationem, ac per consequens, nec ad perfectum salutis Ciuium stabilimentum, aliud addendum restet, quam æquissimorum statutorum prompta executio: & cum non sit vrgentior ad virtutem stimulus, quam recens Superiorum exemplar, muneris nostri esse duximus, tam sancto proposito omni industria & sedulitate manus admouere, idque tam feruenti erga proximum charitate & zelo, vt nec Philautia, nec inuidia, nec auaritia, neque vlla prorsus ratio, à communi bono intentis impetrare potuerit, quin, proprio interesse seposito, illa etiam, ex quibus questum facimus, daremus in publicum; nihil, quod communi saluti conducere possit, quosquam latere volumus, ne immerentes quidem;

DEDICATORIA.

dem, quia vti *Sol Iustitiæ* Diuinus ille
Phœbus, & Apollo, qui verissimè di-
cere posset:

Inuentum Medicina meum est.

Splendet super iustum & iniustum; ita Medecina, & sceleratis, ait Seneca, opem ministrat. Compositiones remediorum salutarium nemo suppressit, ne sanarentur indigni.

Lib. 4.
de benef.
cap. 28.

Antidotarium itaque composuimus
omnigena Pharmaceutices suppelle-
ctili instructum, optimum pharma-
ca preparandi Methodum, ac medi-
camenta conficiendi modum maxi-
mè conuenientem continens. Parum
refert insignes, ac bene ordinatas Eu-
ropæ Vrbes, in Italia, Romam, in
Germania Augustam, in Brabantia
Bruxellas, in Batavia Amstelrodamū
præcessisse; quod dignior persona
solet, agmen claudet Imperialis hæc
Ciuitas nostra, tam celebritate, quam

b

vetu-

EPISTOLA

vetustate venerabilis: nec valet obie-
ctio vnum ex illis eligi potuisse, ad
cuius normam sese Pharmacopolæ
nostri conformarent, entia non esse
sine necessitate multiplicanda? nam
& in eo diuina bonitas, ac prouiden-
tia specialiter enituit, vtsicuti varij va-
rias orbis regiones morbi affligunt,
ita quoque diuersi, diuersa medica-
mina sanandi modi reperirent.

*Est Elephas morbus qui propter flumina Nili
Gignitur Ægypto in medio neque praterea vs-
quam.*

*Atthide tentantur gressus, Oculique in Achais
Finibus; in alijs alius locus est inimicus
Partibus, ac membris: varius concinnat id Aër.*

Quibus & Iuuenalis subscribit,
dum rogat

Satyr.
13.

*Quis tumidum guttur miratur in Alpibus?
aut quis*

In Merœ crasso maiorem infante mamillam?

Quis

DEDICATORIA.

Quis Luem Veneream (vtinam tantum!) in India? Plicam, foedissimam pilorum compactionem, in Polonia? Varenos, Tumores cum vermiculis, in Westphalia? Cardones, pili crassiores dorsis infantium innascentes, in Languedocia? Venam Medeni, vermes extra cutim etiam musculosarum partium sese exerentes, in Germania? Dracunculos, vermes prioribus fere similes, in Arabia, & Ægypto? Scorbutum in Hollandia? & non exclamabit: quam *mirabilis Deus in operibus suis!* ^{Iob. 5.} *qui vulnerat, & medetur, ipse percutit, & manus eius sanabunt*, particularis vernaculo vniuscuiusq; Regionis malo, specificum suum remedium assignans. Quandoquidem igitur, vnico Collyrio (vt est in proverbio) omnes sanandi non sint, & nos Climatis nostri morbis appropriatam, incolarū complexi-

EPISTOLA

plexionibus, & symmetriæ conformem composuimus Pharmaciã; reiectis superfluis, non nisi necessaria eaque selectissima, id est, medullam, ac nucleum complectentem.

Atque hæc sunt, *Viri Amplissimi*, quæ ex impregnante studio intellectus noster conceperat: quorum partum sciorum ignorantia, & concuium pericula maturauerant, quæque amore Patriæ obstetricante, ex mandato vestro expresso nuper enixi sumus: hunc fætũ benigno vultu suscipite, atque sub auspicijs vestris incrementum date. Quos enim potius Patronos, aut Patrinos nominabimus, nisi quorũ certissimæ tutelæ bonum publicum, tanquam proximioribus parentibus commissum? quippe vt cum sanctissimis Concilij Chalcedonensis verbis finem imponam: *Magne*

agri-

DEDICATORIA.

*agritudines, & medicamine forti, & Medico
indigent sapiente. Propter hoc igitur omnium
Deus passionibus Orbis terra, sicut Medicum
optimum, vestram instituit pietatem, ut has
congruentibus sanetis medicamentis.*

Art. 3. ad
Impera-
tor Mat-
thian. &
Valent.



b3

CO-